

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI KHAMIS, 20 NOVEMBER 2014, PUKUL 10.00 PAGI

Bil. 52

PERTANYAAN-PERTANYAAN BAGI JAWAB LISAN

1. PR-1323-L64199
Dato' Othman bin Aziz [Jerlun] minta **MENTERI PERUSAHAAN PERLADANGAN DAN KOMODITI** menyatakan strategi Kementerian bagi mengatasi situasi setiap lima tahun dimana inventori global bagi minyak masak termasuk minyak kacang soya, minyak jagung dan sawit akan meningkat berikutan pengeluaran berlebihan. Apakah langkah yang telah dan bakal dirangka oleh Kementerian bagi mengatasinya.
2. PR-1323-L64276
Tuan Abdullah Sani bin Abdul Hamid [Kuala Langat] minta **MENTERI SUMBER MANUSIA** menyatakan tindakan terhadap syarikat yang tidak melaksanakan gaji minimum yang telah dilaksanakan serta jumlah syarikat yang telah diambil tindakan atas kesalahan tersebut.
3. PR-1323-L64990
Datuk Madius Tangau [Tuaran] minta **MENTERI KERJA RAYA** menyatakan apakah perkembangan terkini tentang perancangan dan perlaksanaan pembinaan Pan Borneo Highway.
4. PR-1323-L65045
Tuan Sim Chee Keong [Bukit Mertajam] minta **MENTERI KEWANGAN** menyatakan apa rancangan Kerajaan terhadap laporan KWSP bahawa 69% pencarum KWSP berumur 54 tahun mempunyai simpanan kurang daripada RM50,000 dan tidak mencukupi untuk menyara hidup selepas beberapa tahun bersara.
5. PR-1323-L63561
Datuk Noor Ehsanuddin bin Mohd Harun Narrashid [Kota Tinggi] minta **PERDANA MENTERI** menyatakan adakah Kerajaan mempunyai pelan strategik untuk mengatasi masalah kesukaran pembeli untuk mendapatkan pinjaman pembelian rumah dari pihak bank.

6. PR-1323-L64882
Tuan Mohd Rafizi bin Ramli [Pandan] minta **MENTERI PERDAGANGAN ANTARABANGSA DAN INDUSTRI** menyatakan jumlah kutipan cukai eksais dan permit import (approved permit) yang dikutip daripada pengimportan kenderaan bagi tahun 2011, 2012 dan 2013 (ditunjukkan secara berasingan).
7. PR-1323-L63369
Datuk Joseph Salang anak Gandum [Julau] minta **MENTERI WILAYAH PERSEKUTUAN** menyatakan langkah yang telah dan akan diambil bagi menghapuskan populasi tikus dan membersihkan Bandaraya Kuala Lumpur.
8. PR-1323-L64518
Tuan Gooi Hsiao-Leung [Alor Setar] minta **MENTERI PENDIDIKAN** menyatakan sama ada kerajaan bercadang untuk merangka satu plan induk pendidikan sivik untuk mengukuhkan demokrasi dan perpaduan negara, khususnya, untuk menghapuskan ketaksukan kaum dan agama di kalangan anak muda Malaysia.
9. PR-1323-L63523
Tuan Haji Mohd Fasih bin Haji Mohd Fakeh [Sabak Bernam] minta **PERDANA MENTERI** menyatakan langkah Kerajaan menyekat tindakan memfitnah dan menghina Islam dan Nabi Muhammad S.A.W termasuk dari segi akidah dan amalan ibadah seperti puasa terutama dari kalangan bukan Islam khususnya di laman media sosial yang menimbulkan suasana tidak harmoni, ketegangan dan kekacauan dalam masyarakat.
10. PR-1323-L64036
Tuan Zairil Khir Johari [Bukit Bendera] minta **MENTERI WILAYAH PERSEKUTUAN** menyatakan kos perbelanjaan bagi pesta Floria Putrajaya bagi tahun 2010, 2011, 2012, 2013 dan 2014.
11. PR-1323-L65305
Datuk Sapawi bin Ahmad Wasali [Sipitang] minta **MENTERI PENDIDIKAN** menyatakan peruntukan yang sudah disalurkan untuk menaik taraf sekolah-sekolah luar bandar di Sabah dan Sarawak yang berkeadaan daif sehingga kini.
12. PR-1323-L63786
Raja Dato' Kamarul Bahrin Shah [Kuala Terengganu] minta **MENTERI SUMBER ASLI DAN ALAM SEKITAR** menyatakan di dalam projek perlombongan dan pembinaan kilang pemprosesan silika kualiti tinggi di kawasan Bari, Setiu, apakah cadangan langkah-langkah pemulihan semula tapak tersebut memandangkan Setiu Wetlands adalah di antara aset produk pelancongan utama Terengganu dan juga Malaysia.

13. PR-1323-L64228
Tuan Haji Ahmad Lai bin Bujang [Sibuti] minta **MENTERI PENDIDIKAN** menyatakan :-
- (a) apakah pencapaian semasa bagi perkembangan Literasi dan Numerasi (LINUS) di seluruh Malaysia bagi tahun semasa dan adakah pelaksanaan LINUS memberi impak positif kepada pendidikan negara dan apakah program LINUS akan berterusan; dan
 - (b) bagaimanakah pencapaian LINUS bagi negeri Sarawak dan mohon senaraikan pencapaian LINUS bagi setiap Pejabat Pendidikan Daerah seluruh Sarawak.
14. PR-1323-L65214
Tuan Manivanan a/l Gowindasamy [Kapar] minta **MENTERI KERJA RAYA** menyatakan :-
- (a) bilangan projek pembinaan yang terbengkalai dalam negara mengikut setiap negeri, sama ada yang dikendali oleh pihak kerajaan mahupun pihak swasta, dan punca-punca yang menyebabkan projek tersebut terbengkalai; dan
 - (b) usaha-usaha kementerian bagi memulihkan projek pembinaan yang terbengkalai dan cara-cara untuk mengurangkan projek-projek sedemikian.
15. PR-1323-L65169
Dato' Wira Mohd Johari bin Baharom [Kubang Pasu] minta **MENTERI DALAM NEGERI** menyatakan berapakah bilangan pekerja asing yang didaftarkan dinegara kita pada tahun 2014. Sila sebutkan pecahan mengikut Negara. Apakah pihak kerajaan mempunyai langkah tertentu untuk mengurangkan jumlah pekerja asing sedangkan kita mempunyai ramai belia yang mampu mengambil tempat pekerja asing terutamanya didalam bidang professional.
16. PR-1323-L63638
Dato' Kamarudin bin Jaffar [Tumpat] minta **MENTERI LUAR NEGERI** menyatakan apakah rancangan Kementerian untuk meningkatkan lagi peranan OIC yang dilihat lemah, tidak berperanan dan tidak berkesan sekarang.
17. PR-1323-L64139
Dato' Haji Irmohizam bin Haji Ibrahim [Kuala Selangor] minta **MENTERI DALAM NEGERI** menyatakan apakah rasional Kerajaan-Kerajaan negeri menubuhkan pasukan keselamatan dan peronda sukarela apabila Kerajaan Persekutuan mempunyai inisiatif-inisiatif baik seperti Pasukan Kepolisian Komuniti (CP), Skim Rondaan Sukarela (SRS) Rukun Tetangga, RELA, JPAM untuk mencegah jenayah dan menangani gejala sosial bersama rakyat.

18. PR-1323-L63416
Tuan Wong Sze Phin @ Jimmy [Kota Kinabalu] minta **MENTERI KERJA RAYA** menyatakan apakah status pembinaan Lebuhraya Pan-Borneo terkini di Sabah. Nyatakan syarikat yang memperoleh tawaran kontrak projek tersebut dan berapa peruntukan yang akan diberikan kepada syarikat tersebut. Adakah lebuhraya ini akan diuruskan seperti Lebuhraya Utara-Selatan dan akan mengenakan tol kepada pengguna jalan tersebut
19. PR-1323-L63709
Dato' Ar. Wan Mohammad Khair-il Anuar bin Wan Ahmad [Kuala Kangsar] minta **PERDANA MENTERI** menyatakan apakah usaha ke arah status negara maju ini seiring dengan pencapaian warganegara yang maju dari segi sikap, budaya dan keseimbangan jurang-jurang sosio ekonomi yang sedia ada berikutan pertumbuhan ekonomi negara yang memberangsangkan sekarang dalam menuju wawasan 2020.
20. PR-1323-L63890
Tuan Hee Loy Sian [Petaling Jaya Selatan] minta **PERDANA MENTERI** menyatakan hasil kajian Kerajaan untuk memansuhkan Akta Hasutan 1948 [Akta 15] seperti yang dijanjikan oleh Perdana Menteri pada 11 Julai 2012.
21. PR-1323-L63828
Tuan Haji Ahmad Nazlan bin Idris [Jerantut] minta **MENTERI DALAM NEGERI** menyatakan apakah tindakan yang boleh diambil terhadap pihak-pihak yang menubuhkan pasukan ala keselamatan persendirian tanpa lesen dan berapakah jumlah kes seumpama ini di negara kita.
22. PR-1323-L65159
Dato' Haji Mahfuz bin Omar [Pokok Sena] minta **MENTERI KEWANGAN** menyatakan :-
- (a) apakah status pengambilalihan perkhidmatan Sistem Penguatkuasaan Automatik (AES) daripada 2 syarikat penyedia perkhidmatan melalui AES Solution Sdn. Bhd.; dan
 - (b) apakah terma-terma serta kos pengambilalihan AES oleh Solution Sdn. Bhd. dari dua syarikat penyedia perkhidmatan sedia ada.
23. PR-1323-L64020
Dato Sri Dr. Muhammad Leo Michael Toyad Abdullah [Mukah] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan langkah-langkah yang dicadang untuk membasmi kemiskinan di bandar.
24. PR-1323-L63375
Laksamana Pertama Mohamad Imran bin Abd Hamid (B) [Lumut] minta **PERDANA MENTERI** menyatakan adakah Kerajaan bercadang supaya Hadiah Pemenang Tilawah Al-Quran Peringkat Kebangsaan dan Antarabangsa akan dinaikkan supaya sepadan dengan Hadiah Pemenang Raja Lawak atau lain-lain pertandingan yang menerima nilai yang lumayan.

25. PR-1323-L63522
Tuan Haji Mohd Fasih bin Haji Mohd Fakeh [Sabak Bernam] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan negeri-negeri yang belum menerima pakai Akta Pengurusan Sisa Pepejal dan Pembersihan Awam 2007 (Akta 672) dan sejauh manakah Perbadanan Pengurusan Sisa Pepejal dan Pembersihan Awam (PPSPPA) telah mengarahkan Pihak Berkuasa Tempatan (PBT) untuk menerima pakai Akta 672 bagi memastikan pengurusan sisa pepejal yang lebih mapan dan lestari.
26. PR-1323-L63545
Tuan Idris bin Haji Ahmad [Bukit Gantang] minta **MENTERI PENGANGKUTAN** menyatakan bilakah Perkhidmatan Tren Elektrik (ETS) daripada Ipoh ke Taiping hendak beroperasi, adakah projek tersebut telah menepati tarikh yang dirancang.
27. PR-1323-L63467
Tuan Haji Hasbi bin Haji Habibollah [Limbang] minta **MENTERI KEMAJUAN LUAR BANDAR DAN WILAYAH** menyatakan status Jalan Meritam/ Telahak/ Buangabai/ Pengkalan Rejab/ Sungai Poyan Fasa 2 yang sudah ditamatkan kontrak kerana terbengkalai dan seterusnya pembinaan Fasa 3 untuk menyiapkan rangkaian jalan ini dan mencapai objektif memberi kemudahan asas kepada rakyat di pesisir Sungai Limbang.
28. PR-1323-L64494
Dr. Tan Seng Giaw [Kepong] minta **MENTERI PENGANGKUTAN** menyatakan keadaan pengurusan keluarga mangsa nahas MH17 dan MH370. Apakah tindakan seterusnya untuk kedua-dua tragedi tersebut.
29. PR-1323-L64997
Dato' Hasbullah bin Osman [Gerik] minta **MENTERI PELANCONGAN DAN KEBUDAYAAN** menyatakan sejauh manakah Kementerian mengambil tindakan ekoran lawatan serta pengumuman YAB Perdana Menteri ke Royal Belum untuk mendapat pengiktirafan dunia dari UNESCO mengenai hutan Khatulistiwa tertua di dunia serta bantuan lain bagi kemajuan kawasan tersebut.
30. PR-1323-L64235
Tuan William Leong Jee Keen [Selayang] minta **MENTERI PENGANGKUTAN** menyatakan berhubung kos penyediaan sonar imbasan dan kapal sokongan marin yang menyertai dalam operasi mencari dan mendapatkan semula (SAR) pesawat MH370 Malaysia yang dibiayai oleh Petroleum Nasional Bhd. Adakah Petronas itu sekali dijadikan "kantung peribadi" Kerajaan dalam membiayai kos SAR sebanyak RM67 juta tersebut.
31. PR-1323-L65260
Puan Rubiah binti Haji Wang [Kota Samarahan] minta **MENTERI PEMBANGUNAN WANITA, KELUARGA DAN MASYARAKAT** menyatakan sejauh manakah kesungguhan Kementerian dalam menangani isu kemiskinan dan sejauh manakah kejayaan program Purple DNA dalam meningkatkan golongan berpendapatan rendah dan berkeperluan khas.

32. PR-1323-L64954
Tuan Chong Chieng Jen [Bandar Kuching] minta **MENTERI KEWANGAN** menyatakan adakah Kumpulan Wang Simpanan Pekerja (KWSP) dan Kumpulan Wang Persaraan (Kwap) secara langsung atau tidak langsung memegang saham dalam Malaysia Airline System (MAS). Berapakah kerugian yang dialami oleh kedua-dua Kumpulan tersebut dalam pelaburan mereka dalam MAS.
33. PR-1323-L64507
Tuan Lim Lip Eng [Segambut] minta **PERDANA MENTERI** menyatakan tugas para Menteri dan Timbalan Menteri di Jabatan Perdana Menteri, berapakah peruntukan yang diberi kepada mereka setiap tahun dan senaraikan 3 pencapaian terbesar yang telah dilakukan oleh mereka masing-masing semenjak menyandang jawatan itu.
34. PR-1323-L64635
Puan Hajah Normala binti Abdul Samad [Pasir Gudang] minta **MENTERI KEWANGAN** menyatakan tindakan dan inisiatif yang diambil oleh pihak Kementerian bagi membantu penduduk tempatan yang diletakkan status tidak layak membuat pinjaman bank untuk membeli Rumah Mampu Milik atas dasar tidak ada penyata pendapatan.
35. PR-1323-L63753
Dato' Haji Mohd Zaim bin Abu Hasan [Parit] minta **MENTERI KEWANGAN** menyatakan :-
- (a) berapakah jumlah angka yang dapat dijimatkan melalui usaha 11 langkah penjimatan perbelanjaan di sektor awam; dan
 - (b) bagaimana pengukuran dibuat untuk menentukan sama ada sasaran berjaya dicapai atau tidak.
36. PR-1323-L65161
Tuan Ahmad Baihaki bin Atiqullah [Kubang Kerian] minta **MENTERI PENGANGKUTAN** menyatakan Lapangan Terbang Sultan Ismail Petra, Kota Bharu adalah antara lapangan terbang paling sibuk di Malaysia, walaupun hanya boleh menampung pendaratan kapal terbang yang kecil disebabkan kependekan landasannya. Apakah halangan sebenar pihak MAB dan Kerajaan untuk membina dan memanjangkan landasan lapangan terbang ini walaupun kelulusan tanah telah dibuat sekian lama.
37. PR-1323-L64392
Dato' Mohd Ariff Sabri bin Abdul Aziz [Raub] minta **MENTERI KESIHATAN** menyatakan :-
- (a) bilakah hasilan kaji selidik pihak Kementerian Kesihatan melalui Jabatan Kesihatan Raub telah mengadakan suatu kaji selidik ke atas impak lombong Raub Australian Goldmine ke atas alam sekitar dan kesihatan awam mahu dikemukakan kepada responden ; dan
 - (b) mengapakah kajian ini mengambil masa yang terlalu lama untuk dibentangkan kepada penduduk.

38. PR-1323-L65328
Datuk Rozman bin Isli [Labuan] minta **MENTERI PENDIDIKAN** menyatakan adakah Kementerian akan meneruskan cadangan untuk mengembangkan rangkaian Kolej Komuniti dengan mewujudkan sebuah lagi Kolej Komuniti berteraskan program teknikal dan vokasional untuk Labuan dalam masa terdekat ini memandangkan Labuan adalah pusat industri minyak dan gas prima negara.
39. PR-1323-L65344
Tan Sri Datuk Seri Panglima Annuar bin Musa [Ketereh] minta **PERDANA MENTERI** menyatakan berapakah jumlah PRIMA yang telah mendapat Kelulusan Merancang (Planning Approval) dan berapa pula yang telah berjaya disiapkan mengikut negeri.
40. PR-1323-L63957
Tuan M. Kulasegaran [Ipoh Barat] minta **MENTERI DALAM NEGERI** menyatakan :-
- (a) sama ada Kerajaan sedar bahawa kegagalan Kerajaan menangani kemelut perdagangan manusia telah mengakibatkan Malaysia turun gred sehingga ke tahap 3 (Tier 3) seperti yang dilaporkan oleh Kerajaan Amerika Syarikat dalam Laporan Perdagangan Orang 2014 (Trafficking in Persons Report 2014); dan
 - (b) berapakah orang yang telah didakwa ke mahkamah atas dakwaan perdagangan orang.
41. PR-1323-L64744
Puan Hajah Zuraida binti Kamaruddin [Ampang] minta **MENTERI DALAM NEGERI** menyatakan :-
- (a) perincian bilangan pendatang asing tanpa izin dalam negara ; dan
 - (b) tindakan pihak Kementerian dalam menangani isu pendatang asing tanpa izin meruncing.
42. PR-1323-L63849
Tuan Wilson Ugak Kumbong [Hulu Rajang] minta **MENTERI KESIHATAN** menyatakan :-
- (a) sekiranya Kerajaan ada perancangan untuk membina baru sebuah Klinik Desa Kerajaan di Ng. Bena, Sg. Sut untuk menggantikan klinik lama yang sudah uzur; dan
 - (b) status Klinik Desa di Long Busang, Belaga.

43. PR-1323-L64849
Tuan R. Sivarasa [Subang] minta **MENTERI KEWANGAN** menyatakan nama dan pemilik pengurus dana berlesen antarabangsa yang berdaftar di Kepulauan Cayman yang telah dipilih untuk pelaburan wang rakyat bernilai USD 2.318 bilion dan nama Segregated Portfolio Company di mana dana tersebut dilaburkan.
44. PR-1323-L65014
Dato' Seri Anwar bin Ibrahim [Permatang Pauh] minta **MENTERI KEWANGAN** menyatakan perincian jumlah liabiliti 1MDB terkini dan apakah sebab penangguhan IPO aset tenaganya yang bernilai USD 3 bilion.
45. PR-1323-L64817
Tuan Gobind Singh Deo [Puchong] minta **MENTERI PENGANGKUTAN** menyatakan apakah status siasatan dalam kes kehilangan pesawat MH370 dan nahas MH17.
46. PR-1323-L64102
Dr. Ong Kian Ming [Serdang] minta **MENTERI PENDIDIKAN** menyatakan untuk mendedahkan peruntukan Kerajaan yang diberikan kepada Universiti Perdana di bawah Kerjasama Awam Swasta dan mengapa pembiayaan ini harus terus diberikan memandangkan kegagalan UP untuk membayar yuran kepada Universiti Johns Hopkins yang menyebabkan JHU memutuskan segala talian dengan program PUGSOM.
47. PR-1323-L63729
Tuan Fong Kui Lun [Bukit Bintang] minta **PERDANA MENTERI** menyatakan kedudukan projek kereta api kelajuan tinggi antara Kuala Lumpur dan Singapura dari segi manfaat, tempoh penyiapan, kos terlibat dan kontraktor yang dilantik.
48. PR-1323-L64665
Tuan Mohamed Azmin bin Ali [Gombak] minta **MENTERI KEWANGAN** menyatakan apakah punca Initial Public Offering (IPO) bagi 1Malaysia Development Berhad (1MDB) dilambatkan hingga suku tahun pertama 2015.
49. PR-1323-L63699
Tuan Che Mohamad Zulkifly bin Jusoh [Setiu] minta **MENTERI DALAM NEGERI** menyatakan statistik terkini aduan dan tangkapan yang telah dilakukan berhubung kes judi haram mengikut negeri.
50. PR-1323-L64092
Dato' Seri Reezal Merican bin Naina Merican [Kepala Batas] minta **MENTERI BELIA DAN SUKAN** menyatakan program berterusan yang dilakukan di peringkat Kementerian dalam memastikan profesionalisme pengurusan badan sukan dapat dipertingkatkan pada setiap masa.

PADA PERMULAAN URUSAN MESYUARAT
MENGEMUKAKAN RANG UNDANG-UNDANG KERAJAAN
UNTUK BACAAN KALI YANG PERTAMA

1. **Menteri Kerja Raya**

- * Rang Undang-undang Pendaftaran Jurutera (Pindaan) 2014

2. **Menteri Kerja Raya**

- * Rang Undang-undang Arkitek (Pindaan) 2014

3. **Menteri Kerja Raya**

- * Rang Undang-undang Juruukur Bahan (Pindaan) 2014

*Menandakan bahawa Rang Undang-undang ini akan dibawa pada semua peringkat di mesyuarat ini.

ATURAN URUSAN MESYUARAT DAN USUL-USUL

1. **Menyambung Semula Pertimbangan ke atas Rang Undang-undang Perbekalan 2015 (D.R.15 /2014) dan Usul Anggaran Perbelanjaan Pembangunan 2015 seperti berikut:-**

“Bahawa Dewan ini, mengikut subseksyen 4(3) Akta Kumpulan Wang Pembangunan 1966 [Akta 406], membuat ketetapan iaitu suatu jumlah wang sebanyak tidak lebih dari lima puluh bilion empat ratus sembilan puluh sembilan juta sembilan ratus sembilan puluh empat ribu ringgit (RM 50,499,994,000) dibelanjakan daripada Kumpulan Wang Pembangunan bagi tahun 2015, dan bagi tujuan dan butiran perbelanjaan pembangunan yang dinyatakan di bawah Maksud Pembangunan atau (“P”) dalam senarai Anggaran Perbelanjaan Persekutuan 2015, yang dibentangkan sebagai Kertas Perintah 42 Tahun 2014, adalah diuntukkan di bawah Maksud-maksud yang berkenaan jumlah-jumlah yang bersestentangan dengan butiran-butiran itu di ruangan enam dan tujuh senarai tersebut.”

Dalam Jawatankuasa Sebuah-buah Majlis (20 November, 2014)

2. (D.R 10/2014) Rang Undang-undang Penjara (Pindaan) (No.2) 2014 -
Menyambung semula Perbahasan atas masalah,
“Bahawa Rang Undang-undang ini dibacakan kali
yang kedua sekarang”
(9 Oktober, 2014)

[Menteri Dalam Negeri]

3. (D.R 19/2014) Rang Undang-undang Kewangan (No.2) **Bacaan Kali**
2014 **Yang Kedua**

[Menteri Kewangan]

4. (D.R 11/2014) Rang Undang-undang Tatacara “
Kewangan (Pindaan) 2014

[Menteri Kewangan]

- | | | | |
|-----|---|--|---|
| 5. | (D.R 13/2014) | Rang Undang-undang Kumpulan Wang Amanah Negara (Pindaan) 2014 | “ |
| | | [Menteri Kewangan] | |
| 6. | (D.R 12/2014) | Rang Undang-undang Wang Tak Dituntut (Pindaan) 2014 | “ |
| | | [Menteri Kewangan] | |
| 7. | (D.R 14/2014) | Rang Undang-undang Kumpulan Wang Pinjaman Perumahan (Pindaan) 2014 | “ |
| | | [Menteri Kewangan] | |
| 8. | (D.R 16/2014) | Rang Undang-undang Suruhanjaya Syarikat Malaysia (Pindaan) 2014 | “ |
| | | [Menteri Perdagangan Dalam Negeri, Koperasi dan Kepenggunaan] | |
| 9. | (D.R 17/2014) | Rang Undang-undang Pendaftaran Perniagaan (Pindaan) 2014 | “ |
| | | [Menteri Perdagangan Dalam Negeri, Koperasi dan Kepenggunaan] | |
| 10. | (D.R 18/2014) | Rang Undang-undang Perkongsian Liabiliti Terhad (Pindaan) 2014 | “ |
| | | [Menteri Perdagangan Dalam Negeri, Koperasi dan Kepenggunaan] | |
| 11. | Menteri Kewangan akan mencadangkan:- | | |

“Bahawa Dewan ini, mengikut peruntukan subperenggan 8(3)(a)(iv) Akta Tatacara Kewangan 1957 [Akta 61], mengambil ketetapan bersetuju supaya Kerajaan Malaysia melalui Menteri Kewangan (Diperbadankan), membuat pelaburan dengan menukarkan pinjaman Kerajaan Malaysia sebanyak RM400 juta kepada Malaysia Debt Ventures Berhad (MDV), sebuah syarikat yang dimiliki oleh Menteri Kewangan (Diperbadankan) kepada ekuiti bersamaan dengan Empat Ratus Juta (400,000,000) unit saham biasa pada nilai RM1 bagi satu unit saham”.

12. **Menteri Kewangan** akan mencadangkan:-

"Bahawa Dewan ini, mengikut peruntukan di bawah Seksyen 10(4)(a) Akta Tatacara Kewangan 1957, membuat ketetapan bersetuju supaya Jadual Kedua Akta tersebut dipinda dengan menambah kepadanya butiran baru seperti berikut:-

"Kumpulan Wang Amanah Tabung Konservasi Sumber Asli Nasional"

13. **Menteri Kewangan** akan mencadangkan:-

"Bahawa Dewan ini, mengikut peruntukan di bawah Seksyen 10(4)(a) Akta Tatacara Kewangan 1957, membuat ketetapan bersetuju supaya Jadual Kedua Akta tersebut dipinda dengan menambah kepadanya butiran baru seperti berikut:-

"Kumpulan Wang Amanah Fi Jaminan"

14. **Menteri Kewangan** akan mencadangkan:-

"Bahawa Dewan ini, mengikut peruntukan di bawah perenggan 10(4)(a) Akta Tatacara Kewangan 1957, membuat ketetapan bersetuju supaya menambah ke dalam jadual Kedua Akta tersebut kumpulan wang yang dikenali sebagai –

‘ Kumpulan Wang bagi Pembayaran Balik Cukai Barang dan Perkhidmatan’ “

15. **Menteri Kewangan** akan mencadangkan:-

"Bahawa Dewan ini, mengikut peruntukan subperenggan 8(3)(a)(iv) Akta Tatacara Kewangan 1957 [Akta 61], membuat ketetapan bersetuju supaya Kerajaan Malaysia melalui Menteri Kewangan (Diperbadankan) membuat pelaburan dengan menukar baki pinjaman Kerajaan Malaysia sebanyak RM475.59 juta kepada Prasarana Malaysia Berhad, sebuah syarikat dimiliki sepenuhnya oleh Menteri Kewangan (Diperbadankan), kepada ekuiti dalam Prasarana Malaysia Berhad bersamaan dengan Empat Ratus Tujuh Puluh Lima Juta Lima Ratus Sembilan Puluh Ribu (475,590,000) unit saham biasa pada nilai RM1 bagi satu unit saham."

16. PR-1323-U63530

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, ketiadaan "Standby Generator" di Klinik Kesihatan Putatan telah menimbulkan banyak kerumitan kepada pengguna dan pengendali Klinik Kesihatan Putatan. Dan mengambil maklum juga, bahawa dengan kekerapan gangguan bekalan elektrik yang dihadapi oleh Negeri Sabah pada ketika ini, ada kalanya klinik tersebut tidak dapat berfungsi sehingga beberapa jam sehari dan dikhuatiri akan mendatangkan kemudaratan dalam kes kecemasan.

Dan mengambil maklum juga bahawa, para pengguna Klinik Kesihatan Putatan bukan sahaja yang datang daripada daerah Putatan tetapi juga dari kawasan berdekatan seperti Tanjung Aru, Kepyayan, Petagas dan Kinarut. Dan mengambil maklum juga bahawa, selain keadaan gelap gelita dan kelam kabut ketika berlaku gangguan bekalan elektrik, ianya juga membuatkan rakyat mula merungut tentang mutu perkhidmatan kesihatan yang disediakan oleh pihak Kementerian. Maka, bagi mengatasi masalah, Dewan ini hendaklah mengambil ketetapan bahawa, pihak Kementerian hendaklah memasang "Standby Generator Set" bagi Klinik Kesihatan Putatan."

[Kementerian Kesihatan]

17. PR-1323-U63531

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, gangguan bekalan elektrik di negeri Sabah kian menjadi-jadi di mana dikatakan daripada tahap teruk kepada tahap parah". Dan mengambil maklum juga, bahawa setiap kali gangguan bekalan elektrik berlaku, terdapat banyak rungutan dari kalangan rakyat mengenai dengan kerugian daripada segi produktiviti, hasil dan juga kerosakan harta benda. Dan mengambil maklum juga bahawa setiap gangguan bekalan elektrik berlaku, wakil rakyat akan diburu dan dipersalahkan.

Dan mengambil maklum juga bahawa, kenyataan demi kenyataan oleh pihak berwajib bahawa gangguan bekalan elektrik di negeri Sabah akan dapat diatasi tetapi sehingga kini gangguan bekalan elektrik tetap berlaku malah semakin kerap. Maka, demi untuk kesejahteraan rakyat, Dewan ini hendaklah mengambil ketetapan bahawa, pihak Kementerian mengambil satu tindakan yang drastik jangka pendek dan jangka panjang bagi mengatasi masalah gangguan bekalan elektrik di negeri Sabah. "

[Kementerian Tenaga, Teknologi Hijau dan Air]

18. PR-1323-U63540

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, sejak akhir-akhir ini, terdapat banyak seruan untuk membawa negeri Sabah dan Sarawak keluar daripada Persekutuan Malaysia. Dan mengambil maklum juga, bahawa seruan ini adalah kononya berikutan dengan ketidakpuasan hati segelintir rakyat di kedua-dua negeri ini mengenai dengan isu-isu seperti royalti minyak, tarikh kemerdekaan, pengagihan dana pembangunan serta status ekonomi Bumiputera Negeri Sabah dan Sarawak.

Dan mengambil maklum juga bahawa, dalam kes negeri Sabah, Isu Pembentangan Laporan Suruhanjaya Siasatan Diraja mengenai pendatang asing tanpa izin yang dikatakan dilengah-lengahkan serta banjir pendatang asing tanpa izin ke negeri Sabah yang dikatakan telah menggugat keselamatan negara, telah memburukkan lagi keadaan.

Dan juga mengambil maklum bahawa, sentimen Anti-Persekutuan dan sentimen Anti Sabah dan Sarawak yang dimainkan oleh segelintir pihak kini kian merebak dengan serius dan, ini kalau tidak ditangani dengan kadar segera akan menyebabkan kacau bilau dan menggugat keharmonian negara. Serta mengambil maklum juga bahawa, terdapat juga kenyataan-kenyataan pemimpin Kerajaan, NGO dan orang perseorangan yang dianggap kurang sensitif kepada perasaan penduduk negeri Sabah dan Sarawak.

Maka, bagi menangani masalah ini, Dewan ini hendaklah mengambil ketetapan bahawa, Kerajaan hendaklah mengambil tindakan tegas kepada mereka yang bertanggungjawab, sama ada dari pihak awam, NGO, pemimpin Kerajaan dan pembangkang agar sentimen Anti-Persekutuan serta anti Sabah dan Sarawak dapat dibendung. Kerajaan juga hendaklah bertindak untuk menutup mana-mana laman sosial yang telah dibuktikan terlibat dalam gejala ini."

[Kementerian Dalam Negeri]

19. PR-1323-U63554

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, kemalangan yang melibatkan maut terutama sekali kenderaan awam kian meningkat kerana disebabkan oleh pemanduan laju. Dan mengambil maklum juga, bahawa kadar kemalangan ini meningkat terutama sekali dalam musim perayaan di mana para pengusaha dan pemandu kenderaan pengangkutan awam cuba memaksimumkan keuntungan dengan tanpa menghiraukan keselamatan penumpang. Dan mengambil maklum juga bahawa, pihak berkuasa seperti Suruhanjaya Pengangkutan Awam Darat, Jabatan Pengangkutan Jalan dan Polis Diraja Malaysia menghadapi kekangan kekurangan tenaga anggota serta jarak untuk menguatkuasakan had laju.

Dan mengambil maklum juga bahawa, kuasa pengguna (penumpang) kenderaan pengangkutan awam boleh membantu pihak berkuasa untuk menentukan had laju kenderaan yang mereka tumpang dengan menegur pemandu tersebut apabila mereka melepasi had laju yang dibenarkan. Dan mengambil maklum juga bahawa pemasangan meter kelajuan kedua serta alat penggera di dalam kenderaan pengangkutan awam akan membolehkan para penumpang menyedari bahawa kenderaan yang mereka naiki telah melepasi had laju yang dibenarkan dan sekali gus menegur si pemandu tadi dan ini dapat mengelakkan kemalangan daripada berlaku. Maka, bagi menangani masalah kemalangan yang disebabkan oleh pemanduan laju, dewan ini hendaklah mengambil ketetapan bahawa, semua kenderaan pengangkutan awam hendaklah dipasang dengan meter kelajuan kedua dan alat penggera. "

[Perdana Menteri]

20. PR-1323-U63967

Tuan M. Kulasegaran [Ipoh Barat] akan mencadangkan:-

"Bahawa Dewan ini mengambil maklum bahawa Kerajaan telah gagal untuk perhatin terhadap situasi pemerdagangan manusia dan mengambil tindakan dalam kes-kes pemerdagangan manusia sehingga Malaysia telah turun gred sehingga ke Tahap 3 (Tier 3) seperti yang dilaporkan oleh Kerajaan Amerika Syarikat dalam Laporan Pemerdagangan Orang 2014 (Trafficking in Persons Report 2014). Dalam keadaan ini Dewan ini mengarah Perdana Menteri mengambil tindakan untuk mengatasi masalah ini dengan segera."

[Kementerian Dalam Negeri]

21. PR-1323-U64509

Dr. Tan Seng Giaw [Kepong] akan mencadangkan:-

"Bahawa Dewan ini membahaskan dasar dan langkah untuk mencegah ekstremisme di Malaysia. "

[Kementerian Dalam Negeri]

22. PR-1323-U64511

Dr. Tan Seng Giaw [Kepong] akan mencadangkan:-

"Bahawa Dewan ini membincangkan dasar perubahan iklim."

[Kementerian Sumber Asli dan Alam Sekitar]

23. PR-1323-U65224

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mempertimbangkan cadangan untuk kes kematian di bawah tahanan Polis Di Raja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan"

[Kementerian Dalam Negeri]

24. PR-1323-U65226

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia."

[Kementerian Pendidikan]

**RISALAT-RISALAT YANG DIBAWA KE DALAM MESYUARAT
(DEWAN RAKYAT)**

<u>TAHUN 2014</u>	<u>RISALAT/DOKUMEN</u>	<u>TARIKH DIBENTANGKAN</u>
ST.105	Laporan Tahunan Dan Penyata Kewangan Maktab Koperasi Malaysia (MKM) Bagi Tahun 2013	20 November 2014
ST.125	Laporan Tahunan dan Penyata Kewangan Lembaga Pelabuhan Kuantan Bagi Tahun 2013	20 November 2014
ST.126	Laporan Tahunan dan Penyata Kewangan Lembaga Pelabuhan Kemaman Bagi Tahun 2013	20 November 2014
ST.128	Laporan Tahunan dan Penyata Kewangan Lembaga Pelabuhan Kelang dan Lembaga Pelabuhan Melaka Bagi Tahun 2013	20 November 2014
ST.131	Laporan Tahunan dan Penyata Kewangan Pihak Berkuasa Wilayah Pembangunan Iskandar (IRDA) Bagi Tahun 2013	20 November 2014
ST.132	Laporan Tahunan dan Penyata Kewangan Pihak Berkuasa Pelaksanaan Koridor Utara (NCIA) Bagi Tahun 2013	20 November 2014
ST.133	Laporan Tahunan dan Penyata Kewangan Majlis Pembangunan Wilayah Ekonomi Pantai Timur (ECERDC) Bagi Tahun 2013	20 November 2014
ST.150	Laporan Tahunan Dan Penyata Kewangan Pertubuhan Keselamatan Sosial (PERKESO) Bagi Tahun 2013	20 November 2014
ST.153	Laporan Tahunan Aktiviti Dan Kewangan Agensi Inovasi Malaysia Bagi Tahun 2013	20 November 2014